

Newspaper	Berita Harian
Date	19/5/2011

• SALIM SHAARI | BERITA HARIAN



MUKHRIZ keluar dari IJN selepas melawat bapanya, Tun Mahathir yang dirawat di situ, semalam.

Dr Mahathir stabil, perlu rehat: Mukhriz

KUALA LUMPUR: Tun Dr Mahathir Mohamad yang dimasukkan ke Institut Jantung Negara (IJN) pagi semalam kerana batuk kini berada dalam keadaan stabil dan dinasihatkan berehat supaya dapat pulih sepenuhnya.

Anaknya, Datuk Mukhriz Mahathir berkata doktor menasihatkan bekas Perdana Menteri itu supaya berehat secukupnya walaupun tidak mengalami sebarang masalah jantung yang serius.

"Tidak ada langsung masalah dengan jantung. Cuma batuk, maksudnya paru-paru sikit... biasanya kalau dia batuk dia perlukan rehat secukupnya di IJN," kata Timbalan Menteri Kementerian Perdagangan Antarabangsa dan Industri itu ketika ditemui di lobi IJN selepas melawat ayahnya.

Katanya, ayah beliau kini perlu menjalani rawatan fisioterapi

seperti biasa, mengambil ubat antibiotik dan rehat yang secukupnya supaya sembuh secepat mungkin.

"Susah nak nasihatkan dia... dulu dia dah masuk gear lima, dah lama ini nak masuk gear rendah susah, tetapi apa pun dia sendiri pun tahu kesihatan dia," katanya kepada pemberita.

Beliau berkata, aktiviti luaran Dr Mahathir juga dikurangkan untuk memberinya peluang berehat memandangkan keadaan kesihatannya sekarang.

"Emak saya kini berada di sisinya untuk menjaga beliau... kita juga tidak menggalakkan lawatan daripada kawan buatmasa ini bagi mengelakkan daripada berlaku jangkitan," kata Mukhriz.

Dr Mahathir, 85, dimasukkan ke wad biasa pada jam 6 pagi selepas mengadu demam dan batuk sejak dua hari lalu. - BER-NAMA